

四庫全書

集部

欽定四庫全書

集部

翠微南征錄卷三

一至

詳校官庶吉士

臣瑚圖禮

主事

臣

呂雲林覆勘

總校官進士

臣

朱

鈐

校對官中書

臣

牛稔文

謄錄

監生

臣

錢萬光

欽定四庫全書

集部四

翠微南征錄

別集類三 宋

提要

臣等謹案翠微南征錄十一卷宋華岳撰岳字子西貴池人為武學生開禧元年上書請誅韓侂胄蘇師旦下大理寺鞠治編管建寧侂胄誅放還登嘉定武科第一為殿前司官又謀去丞相史彌遠事覺下臨安獄杖死其

集名南征者皆其竄建寧時所作翠微則其
別號也此本卷首有新城王士禎題語曰宋
華岳集十一卷名翠微南征錄第一卷開禧
元年上皇帝書請誅韓侂胄蘇師旦語最伉
直餘詩十卷率麤豪使氣上侂胄詩云十廟
英靈儼如在漫於宗社作穿窬及誅侂胄函
首請和又有詩云反漢湏知為晁錯成秦恐
不在於期皆不肯附和浮議蓋陳東一流人

如岳詩不以工拙論可也其持議頗允士禎
又引吳興掌故云翠微集華蘄字仲清著不
知何據案岳名著史冊此集亦著錄藝文志
昭灼無疑華蘄所著翠微集當別自一人一
書與岳集不得相混士禎乃錄以存疑則失
於裁斷矣乾隆四十六年十月恭校上

總纂官

臣

紀昀

臣

陸錫熊

臣

孫士毅

總

校

官

臣

陸

費

墀

翠微南征錄題語

宋華岳集十一卷名翠微南征錄第一卷開禧元年上
皇帝書請誅韓侂胄蘇師旦語最伉直餘詩十卷率麤
豪使氣上侂胄詩云十廟英靈儼如在漫於宗社作穿
窬及誅侂胄首請和又有詩云反漢須知為晁錯成
秦恐不在於期皆不肯附和浮議蓋陳東一流人如岳
詩不以工拙論可也又致吳興掌故云翠微集華廡宇
仲清著漁陽山人記

欽定四庫全書

翠微南征錄卷一

宋 華岳 撰

書

開禧元年四月二十七日 上皇帝書

四月吉日國學發解進士臣華岳謹熏沐百拜裁書獻
于皇帝陛下臣聞職諫諍而不言有罪非諫諍而輒言
有誅臣以一介草茅誤叨教養非敢僭以求狂妄之誅

誠以天下之大變將形國家之大禍將至有職守者不敢言無職守者不敢僭臣于此時不能剖露肺肝控告君父則不忠之罪不惟難逃而臣之身首將異其處雖有粟烏得而食諸臣自旬月以來都城士民徬徨相顧若將喪其室家諸軍老小隱哭含悲若將驅之水火閭閻籍籍欲語復噤駭于傳聞莫曉所謂臣徐考其所自則侍衛之兵日夜潛發樞機之遞星火交馳戎作之役倍于平時郵傳之程兼於疇昔乃知陛下將有事于北

征而為軍若民皆如是之皇皇也然臣考之天時按之
人事盖有大不然何者侂冑以后族之親位居極品專
執權柄公取賄賂蓄養無籍吏僕委以腹心賣名器私
爵賞睥睨神器窺覘宗社日益炎炎不敢嚮邇此外患
之居吾腹心者也朝臣有以庸瑣之資請姻師旦驟入
政府者有以諛佞之資阿附侂冑致身顯貴者陳自強
老不知恥貪不知止私植黨與陰結門第凡見諸行事
惟知趨承侂冑一人而君父之尊彼反不知自以為保

正者長之材而鈞衡天下鼎鼎四海此外患之居吾股肱者也與奕汝翼諸李之貪懦無謀倪僕倬果諸郭之膏粱無用諸吳之恃寵僭專諸彭之庸孱不肖皇甫斌魏文諒毛致通秦世輔之彫瘵軍心瘡痍士氣以至陳孝慶夏興祖商榮田俊邁之徒皆以一卒之材各得把麾專制平日剗膏刻血苞苴侂胄以致通顯饑寒之士咸願食其肉而不可得萬一陛下付以大事彼之首領自不可保奚暇為陛下計哉此外患之居吾爪牙者也

程松之納妾求知或以售妹入府或以獻妻入閣魯頌
之貢子為郎富宮之庸鶩充位此外患之居吾耳目者
也蘇師旦以穢吏冒節鉞牙僧名爵周筠以隸卒冒戎
鈐市易將相此外患之扼吾咽喉者也吾之腹心吾之
股肱吾之爪牙吾之耳目吾之咽喉而無非外患則彼
之所謂外患者實未足憂而此之外患蓋已周吾一身
之間矣詎可捨吾身之外患而徒事于邊鄙之外患耶
禮樂征伐自天子出所貴乎中國者皆聽命于陛下也

今也予奪之命黜陟之權又不出于陛下而出于侂冑
是吾有二中國也命又不出于侂冑而出于蘇師旦周
筠是吾有三中國也夫金人以一外患而猶能據吾之
中原曾謂其有五外患而不能感吾之元氣乎金人以
區區關河之地猶能逼我淮漢曾謂外患之居吾腹心
居吾股肱居吾爪牙居吾耳目居吾咽喉而不憑陵吾
之宗廟社稷乎以一中國而撫四夷猶曰不可曾謂一
家之中自為吳越一舟之中自為敵國而能外制遠人

乎比年以來軍皆倍克而士卒自仇其將佐民皆侵漁而百姓自叛其守令家自為爭人自為戰此又啓吾國中億萬之仇敵也今陛下不務去吾腹心股肱爪牙耳目咽喉與夫億萬之仇敵而欲空國之師竭國之財而與遠人相從於血刃相塗之地顧不外用其心歟臣自卯角以來推行三式之書自去歲上元甲子五福太乙初度吳分四神直符對照荆楚始擊蜚符旁臨甌越青門直使交次於幽薊黑殺黃道正按於燕趙者之成法

主算最長客算最短兵以先發為客後應為主自太歲
乙丑至丙寅丁卯戊辰己巳庚午六年之間皆不利於
先舉儻其叛盟犯義撓我疆場至於事不獲已然後應
之則反主為客猶曰庶幾萬一國家自首其事自倡其
謀則將帥內睽士卒外叛塗炭萬民血刃千里其為應
驗速若影響此天數之不利於先舉也矧將帥庸愚軍
民怨懟馬政不講騎士不熟豪傑不出英雄不收餽糧
不豐形勢不固山寨不修保壘不設吾雖帶甲百萬運

糧千里而師出無功不戰自敗矣此人事之不利於先
舉也湯武革命應天順人黃帝征伐天時人事臣願陛
下誅吾腹心股肱爪牙耳目咽喉之外患盡其羣黨而
勿疑其濫異其身首而勿疑其慘吾國中之外患既已
除矣然後公道開明正人登用法令自行紀綱自正豪
傑自歸英雄自附侵疆自還中原自復天下自底於和
平四海自躋於仁壽何俟乎兵革哉不然則亂臣賊子
毀冕裂冠喊九錫隆恩之詩恃貴不可言之相私妾內

姬陰臣將相魚肉軍士塗炭生靈墜百世之遠圖虧十
廟之遺業陛下於此雖欲不與之偕亡則禍迫於身權
出於人俛首待終何臍可噬事之未然難以取信臣願
以身屬之廷尉待其行軍用師勞還奏凱則梟臣之首
風遞四方以為天下欺君罔上者之戒儻或干戈相尋
敗亡相繼強隣外攻姦臣內叛與臣所言盡相符契然
後令臣歸老田里永為不齒之民實出天地父母生成
之賜干冒天威罪當萬死不備岳百拜

翠微南征錄卷一

欽定四庫全書

翠微南征錄卷二

宋 華岳 撰

古詩

歸釣吟

我生本是絲綸客
嘗抱絲綸釣王國
膠庠雖識姚有虞
載車未遇周西伯
抱琴歸去古江邊
江頭風月猶依然
江風刮岸岸如削
江月照人人未眠
沙平浪靜江天濶

換酒捉魚魚撥刺有時醉
梳和月吞有時醉棹和煙撥
或唱歌或吹笛欸乃宮商
人不識歌聲喚徹煙水寒
笛聲清透雲霄碧不張帆
任渠去去到雲山深處住
雲山深處有畫圖添箇雲
山畫圖侶不撥棹任渠流
流入玻璃影裏頭玻璃影
裏迸珠玉千斛萬斛誰能
收倦時眠醉時舞漁家自
有神仙府睡時蝴蝶夢莊
周舞處鷗鷺奏韶武自舉
歸釣吟清江漠漠煙沉沉
雲藏萬壑暗水尾風吹孤
月搖天心翠微父翠微父
和我行歌進南浦

畫橋流水抹晴煙殘照暮霞收宿雨水連天天似水一
蓑活計誰能比楓葉飄霜鱸膾香楊花飛雪河鮪美也
不學姜太公百年將至方非熊會須年少遇真主恢我
諸夏車書同也不學嚴子陵雲臺不為冠殊勲中興只
作釣臺侶胃中百萬知無兵我網不似漢漢網何太疎
也曾漏却吞舟魚何當周密如樞機直欲纖悉皆無遺
我釣不似呂呂釣何太直除却文王有誰識爭如猛曲
一彎腰牽取星球并月壁魚膠寒齒闕蒿剔蟹螯刺指

和籠烹屠龍餽鼎口不美斷鯨斫炙腸聊撐

記夢

秋夜宿客邸劇夢為無懷大庾之游覺來長空明月殊動故鄉之思因成記夢

溪泠泠

音零

鼓鼙鼙虛堂浙漚生寒風寒風繞我夢魂去

飛颺直上蓬萊宮蓬萊宮殿女如玉霓裳羽扇環簾櫳

月娥留我宴珠翠玳筵間列花叢叢酒酣萬象羅心胸

舉盃話別殊匆匆青鸞命駕下空濶一聲璫珮鳴丁東

被衣起坐周四顧庭戶悄悄無人蹤銀河萬里倒澄碧

冰鑑半輪斜倚空橫江孤鶴一聲唳喚起鄉心千萬重

梅

楚東道中

次壁間韻

衰蘭枯荷了秋色幾向寒梢問消息溪橋交馬斷腸時
翠袖佳人日暮歸玉面亭亭漢宮樣一見風流慰心賞
寒標孤絕太無情誰為移春上玉京月華淒切霜華白
夜半飄香度簾額寄聲橫笛且休吹愁殺江南未歸客

山水吟

關之山峨峨可以接穹蒼閼士孕其秀胸次尤難量閼
之水滔滔可以燭妍醜閼士生其間其美不容口君不

見周家社稷生甫中崧岳當年曾降神又不見千里秀
氣鍾三蘇眉山草木皆焦枯我生恨不由河洛虛負三
先并五岳地靈人傑推江東人物風流兼磊落顧此閔
之東自古多英雄求其為絕稱獨一忠穆公公今已即
世後世誰可擬惟有詹仲通一人而已耳仲通何如人
景星與鳳凰不險亦不深山高兮水長

浴

十月暇日醉于生春閣暄燥
出浴覆衣得詩援筆以記

龍藩地暖冬無雪十月風光似三月好風不動綺羅塵

人在繡幃簾半揭酒腸拍索能回春春潮八面香熏熏
香肌汗透披縠紋思得滄海驅埃氛銀鈎蟹眼生春雪
銀瓢掇破鍋心月流霞傾入碧琅玕香霧氤氲雲半掇
花藤織出金芙蓉烟青藕紫堆雲盃一聲瑤珮簾鈎垂
皂盤捧出雙明珠蠟花照入蘭湯閣珠璣體迸紅猊活
鳳豁雲濤濯錦毛龍翻雪浪澆銀甲起竿裙霧圍春風
曉中抹出桃花紅香泉入齒漱寒玉吐作冰雪飛長空
蒼頭急把春衫換腕玉輕穿雲一片出門兩腋生清風

身在嫦娥廣寒殿

嘲熱

南方有神名祝融髮赭面丹唇朱紅執鞭入海驅赤龍
火車勒駕燒長空千驂萬乘如駢轡烈焰騰騰灼天地
九霄烜赫皆甑蒸四海煎熬俱鼎沸流金爍石氣不遁
天下俱在紅爐中葛衫襟濕疑有雨羅紈柄折平無風
祝融祝融毋太酷天道炎涼嘗反覆看看少皞催成瓜
盡把涼風散煩溽

釣鼇行

上提刑左史張
舍人名嗣古

北風浩蕩滄溟濶千萬軍聲夜潮聒
翻空濁浪鼓雷霆
舟子停蘭面如血龍門有客何崢嶸
弩目張膽殊不驚
桅檣破浪裂洋島直欲一舉空蛟鯨
我之釣兮非世比
新月為鈎索霞綺先拗虹蜺為釣竿
却把鷗鵬作香餌
欲垂未垂號鬼神星斗無光天地昏
海靈乞命免生死
一鈎連六酌銜恩我公萬里風煙伯
度量汪汪寰海窄
蟠胸高聳蓬萊山壯氣直吞雲夢澤
恩波萬壑奔洪流

風帆浪楫交觥籌金鱗照日巨如斗四海觸物無虛舟
我生本是釣鰲客幾歲灘頭望風色忽聞霹靂破崑崙
便整絲綸駕航舶我今十轄迎公開會須舉手生風雷
不然長嘯謝水府明月滿船歸去來

上趙漕

名善宜喬松弟子見先生也先生尹石
城來京弟子赴南宮文未上也先生與

而進之舉而送之亦既德先生矣今道由先
生之境而不拜先生弟子罪也見先生而無
一言以寓其願見之誠亦罪也風霜高潔雨
露清秀松德也亦先生德也萬木遜節三友
同升松事也亦先生事也松之不畏于冰霜
亦猶先生之不畏彼強禦也松之詩所由作

也不識先生其哂弟
子耶其罪弟子耶

太山之巔有喬松凜凜千丈摩蒼空風雲有會直相際
轟雷掣電蟠蛟龍盤根錯節真天種卿月郎星伴辰拱
高風蕭瑟涕清泉桃李無言設丘壘南宮仙桂饒天香
南國蔽芾歌甘棠大枝擎天作砥柱小枝駕海成虹梁
六月無風天欲雨赤龍銜火燒空宇亭亭橫蓋指扶桑
萬壑千崖冷無暑大椿可笑欺莊周便指千歲為春秋
使民若戰夏后社

夏后氏以松

用汝當作商川舟

檣楫松舟

自慚

藤蔓纏林壑未遂鷓鴣一枝樂盤桓已喜跨高寒

撫孤松而

藍桓更借扶搖薦鵬鶚我聞處士方綢繆

上松處士

三友簡在

公寧留蒼姬已托大夫蔭

秦封為大夫

赤子願陪丞相遊

子房

為赤松子遊

鄰女搔綿吟

建安西關鄰女善搔木綿日可成一二縷僕向嘗見撫綿紬者于此

頗類然就手中提出便紡成絲與撫綿特異因問女歲可成幾端女云每歲可得二十疋

近以繡工坊迫不及其半因成鄰女搔綿

閒窻日上三竿竹窻下嬌娥整輪輻匆匆未暇理雲鬢

半朶青鴉倚紅玉青梢摘盡銀香囊畫欄平倚斑筠筐
時將纖手翻雪霜酥胸玉面同光芒捧歸細捲銀成索
牽出鬆鬆雲一握珠唇呵捋氣溫溫鸚鵡背踏車聲絡絡
今年莫怪功績稀阿嬭勒繡鴛鴦幃如今織出秋江練
十月正好裁新衣客心聞此愁無著一夜清寒動寥寞
明朝為問買一端剪做道袍披落魄

送商府判

自劔津倅
入為審計

比年十月君初來梅花破雪迎君開自從佐劔壽民脉

涸山瘵水皆春臺去年七月君開府燕燕鶯鶯為君舞
五日盡蟄潭底龍千里應無市中虎今年二月君時歸
風牽回柳縈君衣君衣不作回柳轉直上雲端朝紫微
紫微有館名西掖珠玉羅鈿瞰金碧郎星卿月謾徘徊
箇中自是神仙宅紫微有山名大坡烏飛豸立冠峨峨
一聲霹靂震天地萬里腥血流江河紫微有旨垂丹冊
二者于斯請君擇便須東取元化鈞談笑從容正疆場
君家事業銘冠裳鸞鳳指日鳴朝陽伊洛諸公有政事

洙泗諸子無文章稟違展轉情難處溪上思波湛今古
東風吹恨入長亭零落桃花淚如雨

平政橋

水西有橋為
天下第一

建水合流三百里直下富沙如撫指溪東披拽纜過西
千丈春風怒濤起香輪不解碾清江造舟貫索成河梁
年年麥熟梅欲黃連城千里皆波光淳熙太守憂溱洧
問津日夜思無計老農叉手願鳩工疊石中流使民濟
金珠賣價不計緡錫瑕斷梓功方成功成燕雀賀新屋

炳然萬煉輝丹青
揅天蟬蛻橫江尾
下壓寒潭碧無底
市聲不到畫梁間
秋色盡歸朱箔裏
我行一月無風波
今朝醉眼翻青羅
金鰲背路客揮鞭
玉虹跨浪舟飛梭
石唇噴盡寒崖雪
雪中電掣金蛇赤
兩岸樓頭將相家
八州車馬神仙客
人言辟人推政平
故此特以平政名
我聞政事平如水
水到不平還作聲

贈陳道人

道人陳守一善
畫出錦軸求詩

君不見樵人王翰畫山水
一夜風雷揭憲紙
又不見長

沙洞清畫龍蛇滿軸煙雲翻
樵指二子相去數百年筆
端妙意誰能傳雙溪道人何所授一見筆法堪齊肩
筆一淡輕煙映出垂楊岸
遠山依約有還無斜照不紅秋
水慢筆一濃黑雲萬疊翻
狂風江天日暮暗煙靄天地
星斗皆昏勝瀟湘詩人不解語
被君吐作無聲句何時
覓取綃一縑寫我英姿伴煙雨

柴氏

節婦一樽酒義士拜而受
義士一首詩節婦雙眉皺
眉

皺意何如有難難相救嘆我廊廟器淹回在汚陋惠我
旨且嘉慙懃推意厚吾今繫閔建家貧喜鄰富青眼到
朱扉白屋成華胄吾聞孤竹子周室三緘口又聞杞梁
妻秦邦稱烈婦此輩誠間生世代不常有如何天一方
同時俱輻湊愧無八品珍草草具籩豆何當再拜摠我
衣卮酒恭為兒女壽

傷春

衣袂怯春寒春在江南岸我意正傷春復被春縈絆一

雨臙脂濕萬壑冰
漸泮撩我惜春心
與春傷爛漫柳垂
不染絲織成愁一
片杏吐無煙火燒
碎腸千斷憶昔腰
如柳柳腰野易按
憶昔面如花花面
嬌難喚人不似春
芳隨處得看翫因
春憶美人不見徒
扼腕何時醉卧花
柳中一笑千金不
容換

百舌

福建號
為鳥秀

流鶯一去無消息
燕怯春寒歸未得
綠窻清晝靜無人
似把衷情訴知識
上苑東風二月春
淡黃楊柳初成陰

解將一片無情舌學盡百般能語禽紅英紫萼紛如雪
萬姹千嬌總饒舌莫嫌花外太啁啾默默難耐好時節
須臾綠暗紅亦稀伯勞杜宇鴈鷗飛更兼獵叉恣羅網
卷舌不語全毛衣堪嗟國士徒切直不似幽禽明語默
何如鉗口歸山林莫問燕南并越北

飲仙閣

小峯王泰之作堂曰傾蓋作閣曰飲仙廊廡蕭然有物外之致有所得者以樂

其身其泰之之謂乎
因作詩以留歲月

槽頭壓盡春山綠槽下真珠瀉醅醪騷人一笑傾蓋盤

滿面春風漲紅玉少陵得此不欲言乃指八子為中仙
主人傾蓋慕此意一閣新構堂西偏于今世態薄于紙
何必勞心問青紫願君醉我金屈卮萬事過耳同風飛
醺醺和月尚栽竹長嘯一聲歸翠微

贈祝跛

相者祝跛
武夷人

我生多蹇難事業冷於水內外五行醜惡諱人舉武
夷有跛者抱術徧荆楚樞衣忽趨隅覲面便相許握手
無所需再拜拂毫楮一詩聊贈行無以壯筇筥他時了

功名為結煙霞侶

富沙道中述懷

次王伯
元韻

敗鼓非全材毀瓦不自收造物兒未戲達人火先撲
不到渭濱人徒嗟海曲彼哉真彼哉伐盡牛山木

驟雨

次紫溪
壁間韻

牛尾烏雲潑濃墨牛頭風雨翩車軸怒濤頃刻卷沙灘
十萬軍聲吼鳴瀑牧童家住溪西曲侵早騎牛牧溪北
慌忙冒雨急渡溪雨勢驟晴山又綠

翠微南征錄卷二

欽定四庫全書

翠微南征錄卷三

宋 華岳 撰

古詩

別王秦之

次王養
正韻

黃塵漫漫小峯路白石齒齒茗坑渡相亭南來第一程
人煙蕭條歲云暮故人小隱三家村約我旗亭聊一樽
相逢此地復相別明朝懷抱同誰論

江上雙舟催發

前帆風飽江天濶後帆半出疎林闕後帆招手呼前帆
畫鼓輕敲總催發前帆雪浪驚飛湍後帆舵尾披銀山
前帆漸緩後帆急相傍俱入蘆花灘島嶼縈回斷還續
沙尾夕陽明屬玉望中醉眼昏欲花誤作閒窻小橫軸

慰吳吉甫縣尉

吉甫縣尉有橫逆之難兄嫂女皆死焉所可免者渠夫婦而已

作詩
慰之

子鍼如京師一室膏鼎臠兄室雖被戕一妻猶可免伯

奢事行役八子俱蹂踐兄家禍雖劇一女特婉孌女死
固可傷殊未敵冠冕妻在固全軀喪女憂莫遣大厦既
灰飛豐儲皆席卷鵲鵲起嘆嗟鸞凰徒展轉我昔以難
勤荷兄垂勸勉兄今以難告倍覺淚洟忍泛觀天之理
禍福嘗相反有難旣不死他時非淺淺去兄一牛鳴為
地良非遠不能見兄慰面目實有覩自料吾與兄氣量
及者鮮胡為蒼者天與子獨羈蹇

贈劉相士

班超未侯漢誰識烏孫客韓信已王齊誰知長樂厄彼
亦非異術忠諛分黑白直道世且違彼亦何足責自古
勲業人把鏡惟自索顧我灑落資足可振翰翮如何汗
馬秋英雄尚南謫祇應捻胎鬼手段不合格古括子劉
子閱人幾千百一見麀鼠質便許正疆場知子忠且諛
愚固未暇擇萬一符子言亦可名簡冊它時雙蹇驢約
子訪黃石

誚胡同巡

同巡名瑾向與岳最善忽自潮陽回見僕坐城旦之地遂不相過以詩誚

之

岳昔游時卿兄嘗過敝廬捫心論事業耐久良非虛岳
今隸城旦氣象誠慘舒髡黥塞糞壤敢辱長者車嘗聞
古人交窮達無親疎富貴不相忘有終還有初與兄三
載別無日不引裾中間喜一見欣慰云何如相去天一
涯雲濤疏鴈魚忽聞風駕回喜色喧門閭相聞即相別
厥意良躊躇嘗聞郢中人結客于樵漁又聞淮南王受
德于刑餘岳既不自檢失身墮蘧蔭壯士視一死其猶

爾歎歎勢分已霄壤孤托難相於願兄此召還魏然奉
中除前巖與西閣談笑看連茹或過趙可父為岳聲起
居薰風有良便當拜平安書

送詹仲通縣尉

秋郊送行色執別臨清流風神掣回柳故故牽衣來吟
蜚附草際催客登蘭舟問客何所之駕言京闕遊愚聞
京闕間多難三春秋間外炙魚肉闕內羅羊頭鼎却吠
堯犬冠還沐楚猴和戎重輸費廊廟有隱憂賑荒少儲

蓄郡國無良謀飛蝗蔽日月兆龜拆田疇君以經濟材
抱負衝斗牛家傳醫國秘殊不諸子儔有用即隆平豈
特為東周顧君攄緒餘咳唾開冕旒管領一世雄克復
歸神州賤子忝知遇脫網將從游相隨上凌煙也勝登
瀛洲作詩告于君君其許之不

上詹仲通縣尉

某龜雀蒙恩犬馬誓報譬諸草木少見肺肝冀叨燭電之私但

劇布雷
之耻

松竹不著花密葉徒如帚江梅不藏葉寒花綴枯朽

獨有龍焙茶花葉秀而耦冰霜著羣木凍死十八九惟
此百草靈名可綴三友春雷迸雀舌夜雨滴龍口皆萌
哺啜心誰假栽培手惟有秦端明識之在蒿蕞移根入
北苑金碧煥星斗夸作龍鳳團封成獻元后問花何以
報牙舌甘鼎白他時子復生為公滌繁垢

西風卷荷衣披披不成幅清霜拆蕙囊冽冽已成霜如
何獨東籬黃華笑寒菊物之有盛衰循環若推轂世事
良亦然亦豈物所欲金鈿鎔落日零露灑寒玉人皆惜

芳菲誰復念幽獨惟有陶淵明慙慙費培沃簪花從帽
落撚酒醉高陸從此擅秋芳芙桂非同錄問花何以報
剪首薦醺醪他時更粉軀為公采明日

寄大庾郭縣尉

前年建安縣始識韓荊州一見辱知遇許我嘗從游尋
幽訪赤壁買笑陪青樓有酒即命駕夜飲忘觥籌雪香
飄梅花歸駕仍遲留送君城北隅歲事希一周告德雖
未久有懷奚所投客來自錦溪知為藍田遊振衣欲趨

隅其奈風馬牛方圖拜尺紙文此不敏羞乃復三不緘
獲戾于君侯謫客干典刑宜爾食吳鉤幸不畀我死殘
喘延佇因搜索偏中外釋縛良無由始思鷗鵬翼庇我
反手猶噓燈拂毫楮尺素馳星流荷公三復還惻然添
我憂許我京闕間與我為良謀于今秋復冬俟命猶置
郵西風掠天宇魚鴈俱沉浮未審恩波中許我共濟不
我材襍線短願公廣甄收他日賓幕府鏖戰當焚舟公
兮不我援復駕言焉求

嚴陵方市

次方子
嚴韻

浮雲掃盡天宇清
千花萬花開錦屏
好風吹皺一池綠
白鳥點破千山青
客行五里復五里
兩眼丹青間紅紫

杖屨不知行路難
人在江南圖畫裏

月巖

已巳春道廣信夜宿月巖邨中三客酌酒
論詩拍掌擊案自謂得句且對岳自侈云

我輩朔風詠月自有所得勿怪狂妄因思月
巖為山甚異午夜月出於巖之中桂影於月
之上月有小大桂有廣狹此山之所以異詩
之所由以作也照壁間集上留詠篇章無慮
千萬求其絕稱益亦鮮儷偶三客出天塘宇
韻索筆和之三客頓首謝罪特疥壁以留歲

六丁一鑿空雲烟滿窟勒駕驅神僊冰輪推出月中月
玉斧劈開天外天便把嫦娥騎綵鳳却呼羽客烹銀蟾
更邀王母瑤池酒今夜廣寒同醉眠

熱中呈楚南僧

時雪霽
未應

帝炎執鞭驅赤龍火車萬乘燒長空長空萬里俱蘊隆
流金爍石天地同我來亭亭日常午欲避驕陽竟無所
願求一灑楊柳枝化作東閩萬家雨

送春

約友人李景山仍次其韻

留春無計奈春何九十過眼如飛梭
三分二分風雨爾十日九日愁悶呵
風前飛絮政無數雨後落花全不多
爭如買酒速相就君自起舞吾能歌

僧畫

王叔珍所收十軸乃政和僧人所畫叔珍欲增其價求一轉語于軸角

萬景峯前老禪叔搜羅風月歸巖谷
胸中有句吐無聲寫作生絹三四幅

賀趙法曹

趙可久入郈幕後兼漕倉

紅日轉簷花飛鳴一聲鵲鵲翅未離簷有客拽鈴索呼
童急啟戶問客意何若客聞笑而言法曹參計鑰因知
鵲之鳴報我良不惡知我門下人一捷聊相托如公材
器大末掾豈能縛咫尺蓬萊宮左右芙蓉幕直入鳳凰
池更上麒麟閣賤子無所需願作揚州鶴

野菜吟

芙蓉峯下揚雄宅路入城闔里三百有山無粟養鷄豚
有水無人捕魚鼈山翁菜色流清涎齒頰連月無腥羶

客來問我何所有，手指萬壑煙霞邊。
青芹不似蘆蒿美，石芥防風空別齒。
蕨腦纔抽穉子拳，蘆牙已迸佳人指。
兒童不待明朝陽，花襟路濕爭慌忙。
攜籠拍塞貯不盡，歸來滿袖春風香。
攬衣踏破青銅鏡，按動碧雲流一徑。
漉歸銀鼎作波濤，無限春工上盤飣。

酒歌

謝同舍葉
南陵名英

嘗聞子美清江曲，日典春衣耽美祿。
又聞太白遊長安，市上熏熏醉眠熟。
風流國裏太平時，處處紅樓漾酒旗。

王孫公子恣行樂繁絃脆管相追隨誰知寥落天涯客
登頂清風秋挑月芒鞋踏徧山水雄奮身欲入黃金闕
方嗟蕭索向西園刮面寒風雨漲天回頭忽喜黑衣至
急破紅泥傾數船雖無皓齒歌金縷也掃新詩狂欲舞
兒童拍手笑攔街應怪吳儂喜如許長江波浪卷銀山
去去仍悲道路難只憑一醉進未得更借高風吹片帆

寄敬甫葉兄

歲次丁卯秋八月既生魄于時謫建安脫去未有策忽

觀星鳳光慨然陪履烏自謂入閩建閱人幾千百間有
知功名所見復邪僻否則苟利祿鄙猥何足責獨我子
敬甫挺挺出蠻貊舌端搖戈矛筆下羅疆場扣以軍國
秘歷歷有奇畫以此方定交歸心已翰翮送君東郭門
握手不忍釋明年入中都首上平戎策甫結君相知便
念長沙謫細草天子書願置孤臣驛論薦方躊躇倚門
重垂白轍環溫清園笑言方啞啞去我兩牛鳴恍若關
山隔去年槐花黃郡國書貢籍若以經濟材俯亦從此

役白屋寄簪纓青燈聯衽席談笑生風雷議論燦金碧
雪香飛梅花歸鞍整南陌別後殊未幾奉奉在朝夕君
腹坦東牀吾身繫西國從此嘆參商蓬瀛非咫尺紙
雖屢投與援不我索星次幾一周幸我安且釋嘗觀義
與利更相為損益欲論古人交二者請君擇不惟眼獨
青且要心同赤此身可蠶粉此道不可易自料吾與君
造物難棄擲胸次蓬萊山襟懷雲夢澤未說詩書帥休
論文章伯堂堂大丈夫詎可虛竹帛但恨不振蹤尚此

多扞格在君當先登挽回二千石饑溺切君身推解過
疇昔炎涼無異心始終無異迹庶幾吾二人交情可全
璧

記夢

夜夢斗入室角折
足跌因記諸紙

夜漏徹三更夢斗入我屋有角斷而懸有足折而縮驚
覺細思量識有何禍福兆者事之先形者心之屬事既
兆于心夢乃形于腹入屋斗有盖為牢事刑獄吾今尚
縲囚其應已桎梏體具牢方具無足牢不足不足意無

他示予可脫輻去蓋只論牛其義尤可錄牛足不下垂
得一生可續牛角不上橫得某去何速一旦忤君心吾
罪當何贖生去氣橫秋風馬不相逐下裂輿地圖上應
周天宿崢嶸挽萬鈞其始播百穀身雖在籠檻志不經
溝瀆寧戚不吾歌丙吉當吾哭安得如齊王過堂憐轂
觶

琴

翠微得雷霹材斷曰天
籟鷄二十八字于底

月浸虛堂夜氣清起聽萬籟寂無聲輕輕拂動匣面塵

玉笋不彈風自鳴

苦蚊

夏夜苦蚊書
二十字于壁

四壁人聲絕榻下蚊煙滅可憐翠微翁一夜敲打拍



翠微南征錄卷三

欽定四庫全書

集部

翠微南征錄卷

四至

詳校官庶吉士

臣瑚圖禮

主事

臣

呂雲棟覆勘

總校官進士

臣

朱

鈐

校對官中書

臣

牛

稔文

騰錄監生

臣

錢

萬光

欽定四庫全書

翠微南征錄卷四

宋 華岳 撰

五言排律

次李信州七十韻

挺挺萬人傑堂堂間世賢胸中兵十萬足下客三千揚
賦希三嘆坡詩和百篇錦囊華似袞綵筆大如椽隨陸
縱橫舌良平左右肩兩駟公子服四牡魯侯畋量濶滄

溟岸胸蟠秦華巔紅壇歌魯杏白社結陶蓮遺幣通秦
好求姻托鄭媿匣藏須虎兇冠飾待貂蟬慄自龍頭奪
書由鴈足傳不侯咄李廣求使短張騫食客希毛遂茶
僧集大顛詩材親子建字法邁公權黃貉蒙金絡青驄
勒寶韉伐燕欺騎刼聘魯慢韓穿周室歌山甫齊人美
仲連劍從豐水鑄碑向峴山鐫有頌褒唐太無詩刺衛
宣檄堪傳代郡節可仗居延聽訟疎淹禁豐財別兇員
策從之反後鞭著祖生先孝有參而已忠如立者焉春

冰同皎潔秋月共嬋娟冢宰當鈞軸將軍事橐鞬千官
視標準萬國倚陶甄多士園冠帶諸侯執豆籩山期封
泰岱石擬勒燕然禹甸欣環轍堯氓願受廛明堂歌赤
紱清廟頌朱絃臺閣皆三益盤盂記十愆片言能息訟
隻手可旋乾公昔嘗推轂吾今尚食饘聞鷄效劉舞抱
虎笑秦眠蘇子舌猶在邊韶腹尚便牛衣懷白壁虎節
誓青壇飲馬量淝水屯兵料漢田鬢星飛汴洛血雨灑
伊瀍伊五成湯就軻三孟母遷雲鋤翻楚嶠月纜繫秦

川壘有扶頭酒厨無縮項編詞源慚子美詩社感庭堅
水陸三千里炎涼二十年周田纔廢井秦陌已開阡夜
月琴三弄春風詩一聯自稱山宰相人號地神仙扣馬
罹三尺平戎授一編鼠投當忌器魚得偶忘筌避地思
無所滔天罪莫前梁鴻方北謫賈鵬已東旋孫剛難謀
魏樊誅莫救燕江天驅鳥雀淮地迅鷹鷂日守歟嘗分
星流太白躔瘡痕連四境煨燼極三邊淮浪夜翻雪沙
塵書起煙二陵歸培塿百闕

自撫劉生几誰思

祖逖鞭戎方興頡利役莫

闕

宮昔嘗游泮陴今謾

嘆園豈知醫國手變作

闕

楚客弓雖失秦人璧幸

全宦途良可畏吏鞅不

闕

世變言難盡民頑令不悛

一千新楮券三百舊銅錢駟馬涎流地羣鳥翼蔽天人

心徒擾擾王道自平平衛女歌淇澳曹人思下泉窮途

惟自愧當路

闕

作俑宜元後追俘恐不前詩成何

太喜舞袖欲褊襪

丹青閣

次朱載之韻

未識丹青意凭欄試解嘲煙雲朝起陸汀渚暮生潮山
卓數枝筆天橫一幅綃霞收紅暈淺溪褪綠痕消箇裏
風煙冷于中景物饒飛黃凌翠閣寒碧瞰紅橋酒盡香
凝甕詩成錦掣標朱衣扶客醉翠袖殢人嬌屏帳接千
里畫圖連九霄長風來水尾斜日轉山腰赤脚支筇穩
蒼頭控馬驕老臣今已矣兒女總金貂

上韓平原

君家勲業在盤盂莫把頭顱問鑄鏤漢地不理王莽骨

唐天難庇祿山軀不隨召與始求老便學孔明終托孤
十廟英靈儼如在謾于宗社作穿窬

清富樓

小湖楞伽老作
樓名清富求詩

楞伽心地有瞿曇清富名樓足可觀買斷江山詩料足
揭開風月畫圖寬都無一點紅塵到便作千雙白壁看
我欲鞭驢快幽賞白鷗盟在不憂寒

去年清富屢求詩今日凭闌約翠微山帶野花堪入畫
水環汀草欲成圍一園黃菊有餘食兩頃白雲無限衣

說與塵寰守錢虜不勞魂夢到禪扉

出郭

十客出郭中有自稱為
隨佛下生者就嘲之

十客聯鑣出北門馬蹄剗盡碧苔痕從教管史占星聚
且聽盃人和月吞我欲求仙問離坎君當隨佛整乾坤
樽前慷慨休辭醉明日有懷誰共論

舍後丈地令人植花種竹悶則邀清風明月盡醉而倒
有地都來一丈餘墾鋤元不費工夫匝牆先種竹三本
遶檻却栽花數株風伯喚來煩解珮月娥邀得醉攜壺

憑君試向蓬萊問還有神仙似我無

送周魁

時周在閩門出疆
是歲元日立春

昨夜霜風鼓萬兵今朝華節照邊庭
人間元日是春日天上魁星為使星
且向虎囊探寸尺却歸麟閣倣丹青
離觴不是延清夜明日異邦長短亭

二月二日即事

次王德元韻

春潮昨夜沒平灘一雨催花色半含
鴈喚元霄歸塞北燕銜新社到江南
無歡不必遊花籍有病何須置藥籃

只把公忠答天地從教兒女鬧冠簪

登樓晚望

次曲溪韻曲溪方以棘丞求補外

六曲朱闌瞰碧虛淡煙秋水接平蕪展開風月添詩料
裝點江山歸畫圖舉足便堪馳駟馬折腰何必問雙鳬
當年庾亮今還在定約樓前醉一壺

訓爨婢

十載膠庠莫怪窮旅囊安得有從容無錢休欠牛年債
有酒只將魚蟹供班頷昔嘗肥似燕沈腰今已瘦如蜂

從今莫恣肥甘口只撚清蔬祭豢龍

別藍詳道

詳道率昆玉送至橫江以詩言別

君在江東我水西君今北去我南歸竹孫和客凌風瘦
梅子偏他得雨肥鶯轉好聲歸酒尊花分紅影上人衣
相看莫作皺眉別期子秋高賦式微

傷春

次賈武仲韻

初入京華菊薦香途中今已過春芳十年恰走萬餘里
兩鬢幾乎一半霜却酒不禁春黯淡落花愁對月昏黃

不堪夜半歸心切更被杜鵑啼斷腸

別子陳子

寧州人向嘗識之宣城郡齋

丙寅三月三十日天子檄我南國行蒲劒欲飛春漲急
柳綿才脫曉寒輕事非得已初何好物到不平終作聲
自古英雄總多難賈梁何必怨清明

河鮑

有感次秦仲山韻

形容初不類魚鰕偏稱蘆蒿與荻芽觸物可憐空怒腹
嚙人無計謾聾牙子排金粟真堪畏乳溜玉酥何足誇

從此烹鮮督庖吏只將鮎鱖假名它

自嘆

次黃
魁韻

自嘆身謀我獨疎只貪風月恣歡娛
盃盤遇客隨多寡囊橐何時問有無
萬里梯航無骨累十年牆屋有穿窬
從今老去無他望綠綺一張醪一壺

春日書懷

次李次
熊韻

紫褪紅銷到海棠幾多遊俠為渠忙
秋聲落盡鶯調曲春色惱人花鬪香
羝乳雖能屈蘇武牛衣終不卧王章

男兒多少英雄氣只對東風醉幾場

過文春山

宣界有山曰文春又曰百峯山之陰市曰板橋次壁間題韻

百峯攢碧版橋西眼力增明步武遲紅映竹籬花笑容
翠翻雲幕雨催詩黃還及第吾何媿廣不封侯子未思
凡物不齊皆有謂到頭忠義是男兒

熱

三衢道中訪周伯恭示詩次韻

翠微家在大江東五月鞭驢入建中雲烈火車天欲雨
汗淹香葛扇無風不求殿閣千間庇却喜巖泉一線通

為汲滿盃清齒頰與君行盡夕陽紅

有感

次陳平仲韻

十年憂患客江城雙鬢蕭蕭已不禁多病不逢醫國手
感懷徒有濟時心西風吹夢夜寒悄黃葉滿階秋意深
休笑當年杜陵老白頭今亦不勝簪

悶中賡趙丞韻

壯士不同兒女曹誰云賦性太麤豪一編韜略進擒虎
十轄絲綸學釣鰲劍口不磨韓信血鼎心須刮食其膏

英雄多少不平氣一夜朔風爭怒號

秋宵有感

滿目秋容拂畫圖敗荷衰柳接平蕪西風刮地鴈聲落
寒月滿天人影孤木耳有才持紫索楮皮無計換青蚨
不知此去功名事還許封鼻見也無

過羊腸嶺

和壁間韻羊腸在於潛分水之間

拂面東風吹夕陽路蟠千折過羊腸山疑隨馬回回見
花欲撩人故故香世路與誰分曲直人情于我自炎涼

何當更上風煙上為把窮途問彼蒼

宿橫溪橋

橫溪在淳安界

夜宿橫溪煙靄間
眉頭歸路萬山攢
連天麥浪波千頃
撲地楊花雪一團
餘鋸不供春後醞
夾衾猶怯夜來寒
征夫莫怪車音澁
自是愁多行路難

送倪尚書赴召

守節如初未足觀
毫釐終始實其難
鄭公勇却樞衡貴
衛叔羞居荷橐班
冷煖萬端炊飯頃
是非一著奕碁間

江湖無限孤高客拭目看公此召還

宿嚴瀨

時迂王
師未至

遐想高風殊未厓
艤舟夜訪子陵臺
銜山西照情何限
逝水東流夢不回
雙槳未聞卿月過
一尊先為客星開
東都人物俱煨燼
獨有先生迹未灰

題澤民廟

時被命
追回

生握藩旌死象梨
澤民山下澤民谿
蒼天九重開日月
赤地千里興雲霓
寐假商宗曾得說
爵高韓信屢封齊

英雄不入蒼生眼
願借高風吹馬蹄

早春即事

次菊坡韻

楊柳絲絲弄淡黃
怯寒燕子未歸梁
曉迷芳草驢駿濕
夜宿閒花蝶翅香
得句自慚非子美
賞音猶恐誤中郎
願言相約花前醉
莫放春容過海棠

早行述懷

和壁間韻

歸心夜半已飛揚
喚僕吹燈促曉粧
雞翅拍斜茅店月
馬蹄剗破板橋霜
二陵萬里埋荆棘
十廟百年生稻粱

安得有臣如祖逖慨然擊楫誓江長

題易村

次何貢元韻何兄以辛酉同請迂道半里訪之示詩慶韻

路轉峯回覺有村數間茅屋瞰山陰
午炊已飽翻匙玉臘醞仍拚掛杖金
窮去作文和鬼送興來得句倩蟬吟
一聲橫笛斜陽外吹起江湖萬里心

述事

次王夢輿韻夢輿好談物理之學因歲之

心不融明遂啟疑源流本末致交馳
谷何嘗響人相喚岸幾曾行舟自移
枉直萬端明似鏡是非一著錯如碁

磨心拔去誰能轉試問諸公知不知

述懷

次何德父韻

我生不解覓冠裳滿目風波祇自傷
楮券不堪供歲幣沙籌那解足軍糧
人情在我隨多寡世態從他自短長
只告天公乞安樂百年隨分老農桑

寄劉浩然

次浩然韻且勉以書中所喻之意

樽酒藥窻鬢髮新別來驚見雪霜侵
幾行淚滴風前燭一片心敲月下砧
好德未聞如好色知人安得似知音

一書欲寄南來鴈江濶天高無處尋

知遇

閔韓信傳因傷
今思古成知遇

淮陰西漢一英雄史氏持衡論亦工不向追亡羨蕭相
却于援死著滕公豈知並績三人傑皆自當時一語功
後世人材自戕賊炎涼安得古人風

和戎

時有函首
請成之議

納幣求成事已非可堪函首獻戎墀一天共戴心非石
九地皆塗血尚泥反漢須知為鼂錯成秦恐不在于期

和我自有和我策却恐諸公未必知

翠微南征錄卷四

欽定四庫全書

翠微南征錄卷五

宋 華岳 撰

七言律詩

自寬

次游少翁韻

十事相尋九不諧
骨窮更值五行乖
人情厚薄且隨分
世態炎涼休掛懷
家欲自豐無楮幣
爨憑誰執有荆釵
如今且任眼前過
他日功名殊未涯

黃氏三層樓

東嘉焦次詹約妓
登樓賦詩次韻

瘦筇支我上高寒風露淒清酒力慳千里人還千里月
一重樓見一重山筵前飛雪噴焦遂檻外行雲過小蠻
便好攏身駕黃鵠直將情扣天關

幽居

次陳吉
父韻

莫問門無長者車只圖深巷樂樵漁一園黃落食無限
萬壑碧蓑衣有餘鴈足北來歸訊杳馬蹄南去故人疎
東風看整朝天旆多少功名在故廬

賀趙丞登第

諱希洙校瑞
金丞居延平

要與宗盟立紀綱
俯從多士較文章
人材漏網無疏密
科目搜羅有短長
蟾窟一枝分玉樹
鳳池三浪出銀潢
何當推解延豪傑
為復中原萬里疆

梅

次稼軒
香字韻

一年無處覓春光
杖策尋春特地忙
牆角數枝偏冷淡
江頭千樹欲昏黃
梢橫波面月搖影
花落樽前酒帶香
更仗西湖老居士
為予收拾付詩囊

捉月仙

夜發雷江有捉月者出舟尾因酌以酒送之中流

纔解西風拍岸顛鴈拖秋色上航船掛帆未作乘風客
舉棹先驚捉月仙楚些有淵心石殞賀狂無并眼花眠
慇懃為酌一杯酒斷送西江浪拍天

呈甯次翁

次翁以詩見慰次韻

王謙不事富春侯自是薰蕕味不侔病體隔年留枉獄
夢魂連夜逐歸舟可憐商木遷新令欲為韓門復舊讐
但得此心無所愧為公一死亦何尤

悶成

次劉平甫韻平甫來自羅浮欲出
江外訪武仲當楊叔源以詩言別

勿憂李廣不封侯
廣不封侯未足憂
漢鼎不烹曹操肉
吳鉤空斷伍員頭
鴻門自昔推屠狗
虎帳于今愧沐猴
千萬南陽遇徐庶
為言豪傑尚縲囚

別館卽事

丁松老約出姑
蘇有詩次韻

十年客裏過春光
客裏逢春分外狂
半堵碧雲蝸路濕
一簾紅雨燕泥香
銜山西日辭春閣
拍岸東風趁夜航
莫向錢塘蘇小說
東吳新髻李紅娘

武興解舟

時有北
征之役

西風落日楚江頭
秋水已平鸚鵡洲
煙樹接天迷送旆
浪花翻雪噴行舟
三盃萬事我已飽
一日千里誰能留
見說平戎新遣使
班超投筆已封侯

不遇

次稼
軒韻

英雄不遇勿長吁
苟遇風雲彼豈拘
不向關中効蕭相
便于江左作夷吾
當知晉霸非由晉
所謂虞亡豈在虞
多少英靈費河嶽
鍾子不遇獨何歟

紀事

翠微在建遇
事即紀以詩

鉗口刳腸未足殫窮原探本可觀瀾
乞醯孰謂鄰非直反矢須知友必端
暴虎欲從頭碎壁沐猴還慮髮衝冠
積薪措火居其下試問賈生安未安

冬日述懷

次柳
塔韻

寒入肌膚粟已生銀河凍合水無聲
梅花漏泄春先到風色商量雪未成
有愧何須問天理無求方始合人情
男兒未際風雲會辜負胸中十萬兵

暮春述懷

次李子
彰韻

一年春事已差池，又見楊花貼水飛。
梁燕不憂驚午枕，箔蠶生怕誤春衣。
景逢佳處須行樂，事到難時且式微。
幸有黃雞并濁酒，且和風月醉柴扉。

幽居

次陳百一
兄狀元韻

十頃平湖一簇山，湖山佳處著朱闌。
分堦草色迎春綠，漱石泉聲入夜寒。
不擾自然人事好，有為方信世途難。
如今休說當年事，只把心平氣定看。

謝二劉

文卿提卿惠然見慰且有
來泰之辱時端節前一日

鴈行臨慰暖如春
玉粒金包即拜恩
周粟不肥清聖肉
楚絲難繫直臣魂
二生在昔聞孤竹
一死于今愧屈原
圓簠下頌誠有謂
此情兄外更誰論

暮春述懷

次羅廣
文韻

買春無計托花神
費盡榆錢不計緡
風絮飛成三徑雪
雨犂翻動一園春
有心報國從招禍
無相封侯莫怨貧
試問專壇與分社
予何人彼亦何人

呈諸同舍

次黃浩
然韻

洛陽年少不知幾十載南州賦式微三舉不登黃甲去
兩庠空笑白丁歸頭長賈昔過三尺腰大巨今徒十圍
祇恐金鑾不前席誰云無策富王畿

寄陳士元

丁卯五月間
有符離之役

郊野英雄不肯收膏梁芻豢有何謀邊人只怒馬黃弩
公子當求狐白裘唐詔屢頒蕢不第漢壇纔築信當侯
古今得喪同兒戲何必區區嘆白頭

貧居

次劉亞卿韻

貧居不暇理椽茅，只倩江山圍一遭。
林鳥樂時知地僻，嶺雲閒處覺天高。
春衫著破重車線，酒擘乾獨醉糟。
且把盃盤聊自適，不須平地起風濤。

呈魯功甫

功甫元宵預有禁煙之約

拂面東風二月天，綠楊芳草暗平川。
花容著雨鬪翻錦，春色惱人催禁煙。
燈夜雖然君有約，花時却恐我無緣。
直須得暇來相訪，當約嫦娥伴醉眠。

勉馮著明

著明被西府掇押兵上
淮著明病辭作詩勉之

主憂臣辱已難堪國事顛危況未安
溺嫂臨淵猶援手
關人同室尚撓冠公如不唱從軍樂
士亦恐歌行路難
麟閣功名總勞苦莫將行役作辛酸

藕花

馮肖許有藕花詩和者盈軸其闕
社中名公見者莫不閤筆近有友人送至西

義不可却

勉強續貂

惜絲不肯織宮鞋花月仙人謫不來
河伯借泥封玉腕
風神翻浪沃香腮無房不許蜂留宿
有益嘗令鷺自開

何事冤仇結青女一朝收拾付塵灰

自勉

次趙
叔韻

世態風波不可論且于閒處樂天真肥家無子堪登隴
憂國有人休問津顏色雖蒙時借我脚跟那解日隨人
客來若問當時事握手無言對北鄰

初夏即事

次王剛
叔韻

陰晴未判落梅天柳巷無人絮撲氈滌器倒囊尋市醢
喚船挑網得溪鮮鳥聲呼夢客千里山色撩人句一聯

遐想故人應念我馬蹄何處夕陽邊

呈鍾子嚴

子嚴方有入荆之意因箴之

那條路不通

去聲

長安莫把心腸獨自剜有釀何須兒索

飲無殺徒勸客加餐千金不賞思歸楚萬戶無封願識

韓大抵利名些子耳幾多豪傑被縈絆

寄楊渭夫

渭夫久于江湖近授陸安宰丁母夫人之喪忽辱以詩見寄次韻

自愧材猷不足觀獨于忠義死難干二陵風雨誰思漢
萬里烟塵期報韓眼到北盟常搵血話殘南渡欲衝冠

如何一代名人傑
稽首稱藩鼻不酸

幽居

次劉德之韻

瀟灑幽居屋一重
入門花柳間青紅
簾嘗礙月鉤嘗掛
酒不逢花盞不空
畏愛難全公子日
雌雄誰識大王風
且將酒貨遷詩料
休問權場通未通

呈王君庸

君庸歲有烹笋之集是春有納寵之慶示詩次韻

主人意重出霓裳
客子愁多欲斷腸
眉黛暗傳春去恨
臉紅猶帶夜來粧
竹根樺子肌膚滑
葉底荷花語笑香

多少行雲在巫峽謾將詩思惱襄王

寄西山

西山以詩
訊事次韻

宮牆無地可穿窬猶幸先人有敝廬仕版可羞寧毀瓦
儒冠曾誤枉收書供柴我合同收炭寄食君當自辦蔬
此理曉然明似鏡何須足下肆耕鋤

呈李朝舉

朝舉談論慷慨居都
陽有詩見寄次韻

一片忠肝照日明濟時無策苦傷情
聾牙拊几悔南渡和淚挑燈編北盟
漢用檄招三十郡楚因歌散八千兵

太平若闢生靈肉何用生靈望太平

小春言懷

次項山甫韻

桃李生香花滿谿南州十月尚襜衣春從酒甕榨將出
秋在詩囊帶得歸弓射十分方破的暮高一著便爭機
勸君莫作等閒看毫髮差殊事已非

春愁

益公有萬事關心眼已昏之句次其韻

十日春愁不出門出門春事已消魂摘花掀帽倩人揅
索酒得盃和月吞啼鳥聲中近寒食落花陰裏又黃昏

春來春去總休問往事悠悠付一樽

呈徐商卿

十年憂患謫東南萬事于心了不關
病去只愁雙足軟老來且喜一身閒
人情無處便生怨天道有時猶好還
大抵久長居富貴到頭天意亦須慳

春遊有感

次王長卿
賞春之韻

上苑春工到海棠老夫隨分為春忙
朱絃轉枕鶯催拍紅粉倚欄花鬢粧
吾道幾時曾損益人心今日自炎涼

願言相約花前醉一聽兒童號酒狂

憂

呈項山甫

憂吾所謂果何憂憂國憂家卒未休坐法馬遷方去漢
釋囚箕子未歸周西風萬籟聲聲恨夜雨疎桐點點愁
有客不知吾所向却將米價問南州

述懷

陳子中自鄱陽一別不聞動靜近忽自廣信來慰我有詩次其韻

我生胸次不塵埃不學兒曹剛自媒詩料雖憑風月製
宦途還聽鬼神開十年教養猷初壯半世功名念已灰

安得金鑿有清問賈生何事未歸來

套筒

黠卒以鐵圈竹筒貫索為繫囚之具因詩其狀

作箇咿吶贅項咽箇中和我萬愁牽一箇作柄簫無竅
雙鐵為圈扇有圈身拜却疑人是犬手擎還類筆如椽
從今節節能通氣安得當為積蓄錢

春郊即事

次稼軒韻

東風吹動綺羅塵翠蓋紅纓處處新蝶翅拍開千樹雪
鶯聲催老十洲春人生有酒須行樂吏祿無階且食貧

歸客不須籠畫燭醉和明月上雕輪

雪

次吳子同酒
價添字韻

天低江濶水連天上下周回一色兼撲雀獵鷹翻白縞
得鱸漁父指青帘馬拋玉勒瓏球落獅欠金鈴橋杳添
得句莫嫌呵凍筆明年歲事已堪占

翠微南征錄卷五

欽定四庫全書

翠微南征錄卷六

宋 華岳 撰

七言律詩

題富沙廟

丙寅七月晦富沙居民火延燒至平政橋煙焰環昭定王之祠吏民俱禱

旋獲反風之應環祠民屋悉為煨燼而祠之應猶無一焦因感神之威靈而詩之

平政橋頭火爍空
富沙宮殿烈煙中
地形難撲徒臨水
天意能回遽反風
十里爆雷驚客夢
萬家全璧賴神功

金剛山房詩集 卷六
君王注意恢神武更乞威靈為寶冲

次翁正叔溪山勝游之韻

溪南風物照窓扉溪北蘭舟纜翠微
雙槳碧雲苔浦合一簾紅雨杏花飛
只知有酒酌佳景却恨無繩繫落暉
更約風流衆年少明朝依舊莫相違

春郊即事

次王昭甫韻

東風吹不斷輪蹄處處鞦韆環
珮飛剪翠弄粧歸髻掠亂紅翻錦上屏幃
花應笑我春嘗醉燕解嘲人夜不歸

莫怪逢春太娛樂人生能有幾芳菲

悶題

作壽子同志
不抵所辱

此心忠義出天資奴隸兒童莫強為燕雀不知鴻鵠志
牛羊徒飾虎狼皮事當桀犬吠堯日書在塞鴻歸漢時
拔劍問天天不語料天還愧負男兒

呈陳平仲

蒲友送萼薺因以一盃為平仲壽反
辱平仲分羹之惠示詩次韻以謝

達人安分樂平生不與陰陽造化爭漢節有人恭且止
楚盤無客遂當行薦公地粟三盃酒分我天香一味羹

大抵有施須有報木挑瓊玖愧詩評

紙帳

劉大紙帳詩者絕矣鄧五九兄以劉大命來索詩因次軸間韻

主人冰雪灑胸襟買宿銀城不計緡春草有詩皆白雪
秋毫無夢到紅塵月娥好作雲間侶風伯不寒冰下人
更喜五更窓外月梅梢分得一枚春

兵

施判院好談兵而不識形勢有佳作見教次其韻

兵貴先人斯奪人莫教間諜漏真情漢因有備吳終退
秦為無人楚始爭卦向爻中分損益棊於局上定輸贏

不知都督三邊者還肯江湖問一聲

自訟

次溪南
壁間韻

我生素不事詆諧擔板方頭喚不回遇事豈容無正論
濟時未必有長材頭雖五鼎不辭劒口恐三緘合用枚
不是生平太剛介有如蹤跡尚塵埃

紀時

陸大方名規江湖之士官途不得志隱
于琴閣僕有建安之難來慰以詩次韻

古今多少好英雄未必奸邪未必忠上黨膏流地白
長平坑血濺天紅三邊傳檄兵雖息二樵開場貨未通

更願年豐富金帛飽裝馳駕為和我

重九

破帽無情不受吹滿頭霜雪已如絲菊花笑我三秋客
風物撩人九日詩三楚膏腴已煨燼二江皮肉更瘡痍
子卿三月無音信鴻鴈南來何所之

禱梅山

初入建求識梅山告而不驗作詩告之

許我登龍尚未還作詩更為謁梅山如何威惠推千載
猶使英雄困八蠻神不提身歸虎帳鬼須摩口動龍顏

聰明儻為扶宗社願借風雷頃刻間

寄西山

久不拜西山忽有陳武昌之便因作詩寄

姓名久不到西山覓便無風鼻謾酸天塹有花春堰急
地爐無火夜堂寒青燈昔記對牀卧白髮今羞把鏡看
見說北歸常有鴈一書無惜報平安

再禱梅山

梅山昔扣五通仙曾許英雄第一籤恰遇塵埃當擾擾
如何泥濘尚淹淹若非推入高宗夢須是遙分太史占

他日崧高詠中甫一香先為大王拈

怒題

壯氣橫秋面渥丹男兒未遇指休彈賣漿豈料周分國
盜粟焉知漢築壇脰臄未甘纏吏鞅髑髏不信誤儒冠
夜深踢起床頭婢和淚挑燈把劍看

寄范茂卿

茂卿家于北苑予識之于建西關因遣人市茶以詩期之

社風吹迸雨前枝正是施工北苑時小勝未封纔入盡
短鎗初拆半含旗一盆臘雪分龍井萬杵春雷入鳳池

見說貢餘山似積小煎還肯換新詩

題溪莊

丁卯寒食約故人薛成伯父子遊溪莊成伯之子文仲雋遠為時髦重座間示

詩因次其韻

山擁青螺出粉牆水環銀帶挿溪莊一百五日雨翻浴
三十六宮人鬪粧蝶翅拍花催舞袖鳳毛翻錦入詩囊
新歡舊恨知多少且對東風醉幾場

奇見

施清叔邀出城西于小園見一壻四圍皆歌鶯拍蝶翻思去京至此凡七換歲籥方

破天荒爾就借清叔韻以記其事

紅牙催拍燕飛忙一片行雲遶畫堂眉黛蹙成游子恨
臉紅燒斷故人腸榆錢不買千金笑柳帶何須百寶粧
舞罷隔簾偷送目不知誰是楚襄王

思故人

予謫建不聞西北故人安否因以詩寄子明叔詢諸子動靜

太乙年來落冀并幾多豪傑未成名堯天日月計和玉
唐地山川知耀卿盧六驅風能破屋陳三平水可傾城
年來幕府勤延攬何事諸兄未有聲

呈古洲老人

次周清之韻

衛霍勲名李杜才纔過四十也心灰俗塵赴少便披拂
詩料空多難剪裁時事謾提眉便皺家懷未說眼先開
朱簾更倩梅香掛要放銀蟾入座來

訓小童

小童頑不可言欲捷之而不忍持作詩以訓之

飯罷令人喚小童敢煩捉耳為開蒙
茶不用焦湯點紙被還將艷火烘
醉欲伴眠當倩月熱求揮汗合邀風
它時我建清油幕廉汝封侯學衛公

郊飲

次孫子卿韻

茅舍松棚隔小橋，碧帘斜掛竹籬腰。
豬頭煮去和皮擘，牛肉秤來帶骨燒。
村酒不圖邀客醉，野花復喜向人嬌。
歸舟不用撐明月，只倩西風借晚潮。

西爽

小湖程正同作堂西偏以挹爽氣暇日約予同登未遂所請寄以五十六字

客子東南不著家，主人北里恣豪華。
夜深常倩月移竹，春老不煩風掃花。
暮雨送涼歸枕簟，夕陽留客賦煙霞。
何時執手關干外，同把功名誓鎔鋸。

斗齋

磻溪先生托廨大中僧室有齋名斗示詩次韻

八方無處著瞿曇
百合中間寄一龕
滿挹酒漿供里北
平量風月借和南
腰如可折豈徒五
涎若果流何待三
更喜小窻能就拱
夜寒江靜著山函

呈楚南僧

楚南名正椿記室大中
嘗與台僧崇上座論詩

剛腸未肯報平安
擬把功名一擔擔
方向杏壇逃敗北
却于蓮社得和南
香同世事炎還冷
茶類人情苦始甘
大抵久長同佛法
此心何處不瞿曇

山居

次王山
甫韻

布作寬袍竹作冠蕭然萬慮不相關數聲橫笛煙霄外
一箇閒人天地間若遇急流須勇退從教倦鳥不知還
百年富貴君休羨得似浮生半日閒

吳伯叙

伯叙嘗與官鹽有司欲以為私販而籍其家贈以五十六字

太平官府不停囚求劍烏衣欲刻舟私笑是鷄難做鶴
公庭得馬便成牛不疑若受千金謗膠鬲當貽萬世羞
見說明公在蓮幕不知能鑑此冤不

讀史

史筆如衡須正持莫教浮誕出無稽已成帝業從烹父
未將王師休殺妻秦逸號眠為抱虎劉狂名舞作聞鷄
麟經削後無全筆磨玷吾當問白圭

建安暮秋

次劉子
巖韻

斜陽望斷水平橋古柳蕭疎已半彫魚躍浪花翻水面
鴈拖煙練束林腰花時無鏹能追驥月夜有詩堪續貂
回首故鄉多少恨亂山無數路迢迢

三衢道中

次毛子
彰見賜元韻

西風吹夢落青帘濁酒三盃路二千別岸舟行秋色裏
故人家在夕陽邊囊中有藥難醫國竿上無鈞可釣賢
見說近來書籍貴監取唐漢莫論錢

秋望有懷

收張子明王
清之書有感

片雲如雨卷西風綽盡遮闌眼力雄遠水半連晴漢碧
暮霞全借夕陽紅姓名未得聯諸子鬢髮皤然已一翁
欲識翠微詩外意豈徒憂國願年豐

送李子方

子方以將家子不果用事業之秋漂
流下條方有求婚問舍之意作詩嘲

之

亂雲堆月上層樓樓上朱簾不下鈎
雞翅拍開朱戶鎖鴈聲喚上木蘭舟
黃花撚酒留人醉紅葉題詩倩水流
李廣不侯人不笑笑他人作爛羊頭

寄兩庠同舍

次鄭坡韻

昔年槌鼓扣天闕遠謫南州七度春
大享有恩來北闕小囚無賂脫東閩
烏衣座滿民流血畫燭簾深案積塵
見說九重宵旰慮長沙猶有少年人

呈沿漕宰

向自京口泛舟入杭為
邑纂所阻作詩訴之

長亭不作馬蹄迂，一葉孤蓬入帝都。
星布關津皆自放，雷封纂節獨相拘。
可憐罔市千般有，誰信虛舟一物無。
為祝琴堂早催發，片帆連夜過姑蘇。

九日

次趙叔
仁韻

永落西風黃葉飛，子卿無信鴈來遲。
淒涼自笑劉思父，慷慨難追杜牧之。
歸興十分濃似酒，愁腸一縷亂如絲。
憑君細把茱萸問，此會明年健有誰。

戲呈趙可父

可父以法曹入幕明年為鎖試第一是冬正欲遣使議和

少年場屋擅詞鋒
審讞無私只奉公
夜月蘭宮無宿曜
秋霜蓮幕有春風
明堂難毀周公制
鄉校猶存子產功
文德自來能服遠
更煩劉向為和戎

挽吳夫人

夫人少師孫女居蜀適王氏卒年十六葬于舒仙姑之山

鸞驂不是厭塵凡
王母瑤池促駕還
家在兩三千里外
人生一十六年間
好隨神女游舒水
難伴文君歸蜀山
試向仙源問消息
桃花零落水潺潺

巖桂落英

和邵揚伯宗
有詩次韻

淨掃庭堦襯落英
西風吹恨入蓬瀛
人從紫麝囊中過
馬踏黃金屑上行
眠醉不須鋪錦褥
研香還解作珠纓
宮娥未許填溝壑
收拾流酥浸玉嬰

牢城述懷


忠寇平仲發書吳
元白扣平仲動靜

江外音書久不來
重城昏鼓又相催
眼前螢掣簷前電
耳底蚊轟屋底雷
乃事類碁方入局
此心如火已成灰
憑君試問吳元白
老寇東川回未回

重午

次鄧信甫送菖蒲釵符之韻

虎眼龍鬚干未乾
楚臣遺淚尚潜潜
梅天有雨金九重
麥地無風翠浪閒
蒲解臬風豈臬賊符能驅祟不驅姦
一樽菖酒呼天問何事男兒鬚漸斑



翠微南征錄卷六